

ii

(...)

Testament de pierre plasse filz de feu
blaise plasse

Au nom de dieu etc comme ainsin etc ce()jo(u)rdhuy
quatresme du moys de **janvier mil v^e septante**
sept en **villemur** etc dans la **maison des her(itier)s de**
feu m(aîtr)e jehan du vernet docte(ur) en droictz en son
vivant **juge ordinaire** dud(it) villemur estably en
[per]sonne **pierre plasse filz de feu blaise plasse**
de bondigoux lequel gisant dans ung lict en
une chambre haulte de lad(ite) maison de devant la
rue detenu d()aucune malladie corporelle toutesfois
bien voyant oyant [co]gnoissant et estant en
son bon sens et parfaicte meymoyre non
induct ny suborne de personne de son bon gre

.....
a fait et ordonne son testament de derniere
volunte en la forme et maniere que s()ensuyt
en premier lieu led(it) pierre plasse testate(ur)
a recommande son ame a dieu le pere filz et
benoist saint esperit et veult que quant
son ame se despartira de son corps sond(it)
corps estre ensepvelly au cimitiere de saint
jehan et a la sepulture qu()il plaira advise *choisie*
[par] son her(ritier) universel bas nomme item
donne et legue led(it) pierre plasse testate(ur) a
jehanne plasse sa s(o)eur /legitime et naturelle/ la somme de quinze
livres t(ournoi)z et avec icelle][△][somme ^° veult qu()elle
ne puyse jamais plus rien demander en
ses biens et()heredite a sond(it) her(itier) universel
bas nomme / item donne et legue led(it)
plasse testate(ur) a **ramonde plasse** aussi
sa s(o)eur legitime et naturelle la somme de
vingt cinq livres t(ournoi)z et avec icelle l()a faicte et
instituee son heritiere particuliere et qu()elle
ne puyse rien plus demander en ses biens
et heredite a sond(it) her(itier) bas nomme lesquelles
sommes de quinze livres t(ournoi)z d()une [par]t et
vingt cinq livres t(ournoi)z d()au(tr)e dessus leguees led(it)
testateur veult et ordonne qu()elles soyent
payees ausd(ites) jehanne et ramonde plasse
ses s(o)eurs quant elles viendront a se marier
au(tr)ement nom car veult et ordonne que
elles venoient a deceder plustost que de()se
colloquer en mariage que lesd(ites) sommes dess(us)
^° l()a faicte et instituee son heritiere [par]ticulliere et

a elles leguees soyent et a[par]tiennent [a son]
 her(itier) bas nomme / item donne et [legue led(it)]
 testate(ur) a **george roquete de bondigoux** [son]
oncle maternel la somme de cinq solz t(ournoi)z pay[able]
 [par] sond(it) her(itier) bas nomme]dans[[par] une foys
 dans l()an apres le decez dud(it) testate(ur) et avec
 icelle somme de cinq solz t(ournoi)z l()a faict et institue
 son her(itier) particulier et veult qu()il ne puyse
 jamais rien plus demander en sesd(its) biens et
 heredite / et en tous et ch(ac)uns ses au(tr)es biens
]le[meubles et immeubles noms droictz voix et
 actions / led(it) pierre plasse testate(ur) a faict et
 institue son her(itier) universel et g(e)n(er)al et l()a
 nume de sa propre bouche noble anthoine
 duvernet son maistre a en faire]a-ses[
 et disposer a ses plaisirs et volutes tant a la
 vye que a la mort cassans etc req(uer)ant
 les tesmoings bas noumes le(ur) en souvenir
 et en porter tesmoinage et a moy not(aire)
 etc en presances de s(ir)e **jacques de busquet**
marchant m(aîtr)e **laurens de ulmo advocat / benoist**
vayssier m(aîtr)e **jehan delau** bache(lier) **advocat**
jehan rasout marchand jehan cepet chirurgie(n)
michel golce cordonier gailhard gay marchand
 de villemur et de moy jehan richard not(aire)
 royal dud(it) villemur requis soubz(sig)ne

J. Busquet, tesmoing

L. De Ulmo, tesmoing

m jug...

J. Delau, tesmoing

B. Vayssier

Michel Gilce

Sespet

Richard, not(aire) r(oy)al